



Ključna pitanja: Isticanje informacija o učešću u troškovima za uključenje u programe Family Care (Obiteljska njega) ili IRIS (Include, Respect, I Self-Direct) (Uključi, poštuju, upravljam sam)

Šta je učešće u troškovima?

Neke osobe koje se uključe u Medicaid programe kao što Family Care i IRIS moraju platiti dio troškova za usluge koje primaju. To se naziva učešće u troškovima.

Kada se plaća učešće u troškovima?

Ako imate učešće u troškovima, plaćate ga za pun mjesec počevši od mjeseca kada ste se uključili u Family Care ili IRIS program.

Kako se izračunava iznos učešća u troškovima?

Vaš iznos učešća u troškovima zasniva se na nekoliko faktora uključujući vaš bruto prihod, bračno stanje, životni aranžman i druge dopuštene Medicaid kredite. Ured za održavanje prihoda (Income Maintenance) utvrdit će iznos vašeg učešća u troškovima. Resursni centar za starost i invaliditet (Aging and Disability Resource Center) će procijeniti iznos vašeg učešća u troškovima prije samog uključjenja u programe.

Da li to gdje živim utiče na proračun?

Da, osobe koje žive u stambenom objektu u zajednici (Community Based Residential Facility), domu za odrasle osobe (Adult Family Home) ili apartmanskome kompleksu za rezidencijalnu njegu (Residential Care Apartment Complex), mogu koristiti neke svoje troškove stanovanja za smanjenje iznosa učešća.

Osobe koje žive u svom domu, bez obzira da li ga posjeduju ili iznajmljuju, također imaju troškove života koji se uzimaju u obzir za izračunavanje iznosa učešća u troškovima. Ovi troškovi uključuju najam ili hipoteku, osiguranje iznajmljivača ili osiguranje kuće, porez na imovinu i troškove grijanja, vode, kanalizacije i struje.

Osoba koja je trenutno u medicinskoj instituciji, a ima kuću ili apartman, može dobiti kredit za troškove održavanja svog doma ako ljekar potvrdi da će se najverovatnije vratiti kući u roku od 6 mjeseci, a bračni drug ne živi kod kuće.

Šta je dopušteni iznos za lične potrebe?

Svaka osoba ima pravo sačuvati dio prihoda za ličnu upotrebu. To se zove dopušteni iznos za lične potrebe. Aging and Disability Resource Center vam može pomoći da izračunate iznos koji vam je potreban za lične potrebe.



Ko prima uplatu za učešće u troškovima?

Osobe uključene u Family Care šalju uplate za učešće u troškovima direktno organizaciji ugovorne njege (managed care organization, MCO) u koju su uključeni. Osobe uključene u IRIS, šalju uplate za učešće svom IRIS fiskalnom agentu poslodavca (fiscal employer agent, FEA).

Šta se dešava s učešćem u troškovima kad osoba promijeni programe ili MCO ili IRIS konsultantsku agenciju u istom mjesecu?

Osobe mogu mijenjati programe ili se isključiti iz programa ugovorne njege ili IRIS programa u bilo kojem trenutku. Ako osoba uplati učešće u troškovima svom programu, a potom odluči preći u drugi program, novi MCO ili IRIS konsultantsku agenciju u istom mjesecu, ne treba plaćati dodatno učešće. Učešće u troškovima naplaćuje se samo jednom mjesečno.

